

小兒藥證真訣

卷二卷三

小兒藥證真訣卷二

四庫館纂修本

宋 錢 乙 撰

三原李錫齡孟熙校刊

搐別真假

李司戶孫病生百日發搐三五次請衆醫治或作天吊或作胎驚或作驚癇皆無應者後錢氏用大青膏如小豆許作一服發之復與塗顙法封之及浴法三日而愈何以然嬰兒初生肌骨嫩怯被風傷之子不能任故發搐頻發者輕何者客風在內每遇不任卽搐搐稀者是內臟發病不可救也頻搐者宜散風冷故用大青膏但不可多兒至小易虛易實多卽生熱止一服而已更當

封浴無不效者

發搐順逆

李寺丞子三歲病搐自卯至巳數醫不治召錢氏視之
搐目右視大叫哭李曰何以搐右錢曰逆也李曰何以
逆曰男爲陽而本發左女爲陰而本發右若男發搐時
目左視無聲右視有聲女發搐時右視無聲左視有聲
所以然者左肝右肺肝木肺金男目右視肺勝肝也金
來刑木二臟相戰故有聲也治之瀉其強而補其弱心
實者亦當瀉之肺虛不可瀉肺虛之候悶亂哽氣長出
氣此病男反女故男易治于女也假令女發搐目左視

肺之勝肝又病在秋卽肺兼旺位肝不爲任故叫哭當
大瀉其肺然後治心續肝所以俱言目反右視者乃肝
主目也凡搐者風熱相搏于內風屬肝故引見之于目
也錢用瀉肺湯瀉之二日不悶亂當知肺病退後用地
黃丸補腎三服後用瀉青丸涼驚丸各二服凡用瀉心
肝藥五日方愈不妄治也又言肺虛不大瀉者何也曰
設令男目右視木反尅金肝旺勝肺而但瀉肝若更病
在春夏金氣極虛故當補其肺慎勿瀉也

潮熱問難

皇都徐氏子三歲病潮熱每日西則發搐身微熱而目

微斜及露睛四肢冷而喘大便微黃錢與李醫同治錢
問李曰病何搐李曰有風何身熱微溫曰四肢所作何
目斜睛露曰搐則目斜何肢冷曰冷必內熱曰何喘曰
搐之甚也曰何以治之曰凡鼻中灌之必搐止錢又問
曰旣謂風病溫壯搐引目斜露睛內熱肢冷及搐甚而
喘併以何藥治之李曰皆此藥也錢曰不然搐者肝實
也故令搐曰西而身微熱者肺潮熱用事肺主身溫且
熱者爲肺虛所以目微斜露睛者肝肺相勝也肢冷者
脾虛也肺若虛甚母脾亦弱木氣乘脾四肢卽冷治之
當先用益黃散阿膠散得脾虛證退後以瀉青丸導赤

散涼驚丸治之九日愈

吐瀉爭功

廣親北宅四大王宮五太尉病吐瀉不止米穀不化衆醫用補藥言用薑汁調服之六月中服溫藥一日而加喘吐不定錢曰當以涼藥治之所以然者謂傷熱在內也用石膏湯三服併服之衆醫皆言吐瀉多而米穀又不化當補脾何以用涼藥王信衆醫又用補脾散丁香散三服錢後至曰不可服此三日外必腹滿身熱飲水吐逆三日外一如所言所以然者謂六月熱甚伏入腹中而令引飲熱傷脾胃卽大吐瀉他醫又行溫藥卽上

焦亦熱故喘而引飲三日當死衆醫不能治復召錢至
宮中見有熱證以白虎湯三服更以白餅子下之一日
減藥二分二日三日又與白虎湯各二服四日用石膏
湯一服旋新合麥門冬黃芩腦子牛黃天竺黃茯苓以
朱砂爲衣與五九竹葉湯化下熱退而安

吐瀉問難

廣親宮七太尉七歲病吐瀉是時七月其證全不食而
昏睡睡覺悶亂噎氣乾嘔大便或有或無不渴衆醫作
驚治之疑睡故也錢曰先補脾後退熱與使君子丸補
脾退熱石膏湯次日以水銀硫黃二物末之生薑水調

下一字錢曰凡吐瀉五月內九分下而一分補八月內十分補而一分下此是脾虛瀉醫妄治之至于虛損下之卽死當只補脾若以使君子丸卽緩錢又畱溫胃益脾藥止之醫者李生曰何食而噦錢曰脾虛不能食津少卽嘔逆何瀉青水曰腸胃至虛冷極故也錢治而愈

虛實下藥

馮承務子五歲吐瀉壯熱不思食錢氏乃曰目中黑睛少白睛多面色眊白此子必多病面色眊白神怯也黑睛少腎虛也黑睛屬水本怯而虛故多病也縱長成必肌膚不壯不耐寒暑易虛易實脾胃亦怯更不可縱酒

恣慾若不保養不過壯年面上常無精神光澤如婦人
之失血也今吐痢不食壯熱者傷食也不可下下之虛
入肺則嗽入心則驚入脾則瀉入腎則益虛此但以消
積丸磨之爲微有食也如傷食甚則可下不下則成癖
也實食在內乃可下之下畢補脾必愈隨其虛實無不
效者

寒熱相反

京東轉運使李公孫八歲病嗽而胸滿短氣醫者言肺
經有熱用竹葉湯牛黃膏各二服治之三日加喘錢氏
曰此肺氣不足復有寒邪即便喘滿當補肺脾勿服涼

藥李曰醫已用竹葉湯牛黃膏錢曰何治也醫曰退熱
退涎錢曰何熱所作曰肺經熱而生嗽嗽久不除生涎
錢曰本虛而風寒所作何熱也若作肺熱何不治其肺
而反調心蓋竹葉湯牛黃膏治心藥也醫有慙色錢治
愈

補下不同

段齋郎子四歲病嗽身熱吐痰數日而咯血醫以桔梗
湯及防己丸治之不愈其痰上攻吐喘不止請錢氏下
福銀丸一大服復以補肺散補脾散治之今段氏咯血
肺虛何以下之曰肺雖咯血有熱故也久卽虛痿令涎

上潮而吐當下其涎若使不吐涎爲甚便也蓋吐涎能
虛又生驚也痰實上攻亦使發搐故依法只宜下痰後
補脾肺必涎上而吐愈若先補其肺爲逆先下其痰爲
順先下後補爲良也

癖爲潮熱

曹宣德子三歲面黃時發寒熱不欲食而飲水及乳不
止衆醫以爲潮熱用牛黃丸麝香丸不愈及以止渴乾
葛散服之反吐錢氏曰當下白餅子主之後補脾乃以
消積丸磨之此癖也後果愈何以故不食但飲水者食
伏脘內不能消致令發寒服止渴藥吐者藥衝脾故也

下之卽愈

虛實熱證

朱監簿子五歲忽發熱醫曰此心熱也腮赤而脣紅煩躁引飲遂用牛黃丸三服以一物瀉心湯下之來日不愈反加無力而不能食又下之便痢黃沫錢曰心驚虛而有畱熱在內必被涼藥下之致此虛勞之病也錢先用白朮散生胃中津後以生犀散治之朱曰大便黃沫如何曰胃氣正卽瀉自止此虛熱也朱曰醫用瀉心湯如何錢曰瀉心湯者黃連一物耳黃連性寒多服則痢內傷脾胃也坐久衆醫至曰實熱錢曰虛熱若實熱何

以瀉心湯下之不安又加面黃頰赤五心煩躁不食而引飲醫曰既虛熱何大便黃沫錢笑曰黃沫服瀉心湯多故也錢後與胡黃連丸治之愈

熱不可下

朱監簿子五歲夜發熱曉卽如故衆醫有作傷寒者有作熱者以涼藥解之不愈其候多涎而喜睡他醫以牛黃圓下涎其病益甚至五日大引飲錢氏曰不可下之乃取白朮散末一兩煎藥汁三升使任其意取足服朱曰飲多不作瀉否錢曰無生水不能作瀉縱瀉不足怪也但不可下耳朱曰先治何病錢曰止瀉治痰退熱清

神其藥至晚服盡錢氏曰更可服三升又煎白朮散三升服盡得稍減三日又服白朮散三升其子不渴無涎又投阿膠散二服而安

預說驚疾

廣親宅七太尉方七歲潮熱數日欲愈錢謂其父二大王曰七使潮熱將安八使預防驚搐王怒曰但使七使愈勿言八使病錢曰八使過來日午間卽吾苦也次日午前果作急搐召錢治之三日而愈蓋預見目直視而顛赤必肝心俱熱更坐石杌子乃欲冷此熱甚也肌膚素肥盛脈又急促故必驚搐所言午時者自寅至午皆

心肝所用事時治之瀉心肝補腎自安矣

溫冷用藥

東都張氏孫九歲病肺熱他醫以珠犀龍麝生牛黃治之一月不愈其證嗽喘悶亂飲水不止食不能入錢氏用使君子丸益黃散張曰本有熱何以又行溫藥他醫用涼藥攻之一月尙無效錢曰涼藥久則胃寒不能食小兒虛不能食當補脾候飲食如故卽瀉肺經病愈矣服補脾藥二日其子欲飲食錢以瀉白散瀉肺遂愈七分張曰何以不虛錢曰先實其脾然後瀉肺故不虛也

陰癘壞病

東都王氏子吐瀉諸醫用藥下之至虛變慢驚其候睡
露睛手足痲痺而身冷錢曰此慢驚也與藪藪湯其子
胃氣實卽開目而身溫王疑其子不大小便令諸醫以
藥利之醫畱八正散等數服不利而身復冷令錢氏利
之錢曰不當利利之必身冷王曰已身冷矣因抱出錢
曰不能食而胃中虛若利大小便卽死久卽脾腎俱虛
當身冷而閉目幸胎氣實而難衰也錢用益黃散使君
子九四服令微飲至日午果能飲食所以然者謂利大
小便脾胃虛寒當補脾不可攻也後又不語諸醫作失
音治之錢曰旣失音何開目而能飲食又牙不噤而口

不緊也諸醫不能曉錢以地黃丸補腎所以然者用涼藥利小便致脾腎俱虛今脾已實腎尙虛故補腎必安治之半月而能言一月而痊也

治病有等

張氏三子病大者汗徧身次者上至頂下至胸小者但額有汗衆醫以麥煎散治之不愈錢氏曰大者與香瓜丸次者與益脾散小者與石膏湯各五日而愈

用藥識證

鄭人齊郎中者家好收藥散施人其子忽臟熱齊自取青金膏三服併一服而餌之服畢至三更瀉五行其子

困睡齊言睡多亦驚又與青金膏一服又瀉二行加口
乾而身熱齊言尙有微熱未盡又與青金膏其妻曰用
藥十餘行未安莫生病否召錢氏曰已成虛羸先多煎
白朮散時時服之後用香瓜丸十三日愈

病誤用巫

王駙馬子五歲病目直視而不食或言有神崇所使請
巫師祝神燒紙病不愈召錢至曰臟腑之疾何用求神
錢與瀉肝丸愈

病篤訣

黃承務子二歲病瀉衆醫止轉十餘日其證便青白乳

物不消身涼加噎氣昏睡醫謂病困篤錢氏先以益脾散三服補肺散三服三日身溫而不噎氣後以白餅子微下之又與益脾散三服痢止何以然痢本脾虛傷食初不與大下措置十日上實下虛脾氣弱引肺亦虛補脾肺病退卽身溫不噎氣是也有所傷食仍下之也何不先下後補曰便青爲下臟冷先下必大虛先實脾肺下之則不虛而後更補之也

嗽痛決死

東都藥鋪杜氏有子五歲自十一月病嗽至三月未止始得嗽而吐痰乃外風寒搐入肺經令肺病嗽而吐痰

風在肺中故也宜以麻黃輩發散後用涼藥壓之卽愈
時醫與鐵粉丸半夏丸福銀丸諸法下之其肺卽虛而
嗽甚至春三月間尙未愈召錢氏視之其候面青而光
嗽而喘促哽氣又時長出氣錢曰病困十已八九所以
然者面青而光肝氣旺也春三月肝位衰之時也嗽者
肺之病肺自十一月至三月久卽虛痿又曾下之脾肺
子母也復爲肝所勝此爲逆也故嗽而喘促哽氣長出
氣也錢急與瀉青丸散之後與阿膠散實肺次日面青
而不光錢又補肺而嗽如前錢又瀉肝瀉肝未已又加
肺虛脣白如練錢曰此病必死不可治也何者肝大旺

而肺虛絕肺病不得其時而肝勝之今三瀉肝而肝病不退三補肺而肺證猶虛此不久生故言死也此證病于秋者十救三四春夏者十難救一果大喘而死

蟲痛決死

辛氏女年五歲病蟲痛諸醫以巴漆礪砂之屬治之不效至三日外多哭而仰臥自按心腹時大叫面色或青或黃或白睛無光而慢唇白吐沫至五日胸高而臥不安錢詳而視之用蕪荑散三服見目不除青色錢氏曰此病大困若更加瀉則爲逆至次日辛見錢曰夜來三更而瀉錢于瀉盆中看如藥汁以杖攪之見有藥丸錢

曰此子肌厚當氣實今證反虛不可治也何以然師曰脾虛胃冷則蟲動今反目青此肝乘脾又脾加瀉知其氣極虛也而丸藥隨糞下卽脾胃已脫兼形病不相應故知死病七日而死

瘡疹標本

初起時製此正翹循具也即天賦

睦親宅十太尉病瘡疹衆醫治之王曰疹未出屬何臟腑一醫言胃氣熱一醫言傷寒不退一醫言在母腹中有毒錢氏曰若言胃熱何以乍涼乍熱若言母腹中有毒屬何臟也醫曰在脾胃錢氏曰旣在脾胃何以驚悸

案此句下脫醫曰云云

錢曰夫胎在腹中月至六七則已成形食

母穢液入兒五臟食至十月滿胃脘中至生之時口有
不潔產母以手拭淨則無疾病俗以黃連汁壓之方下
臍糞及涎穢也此亦母之不潔餘氣入兒臟中本先因
微寒入而成瘡疹未出五臟皆見病證內一臟受穢多
者乃出瘡疹初欲病時先呵欠煩悶驚悸乍涼乍熱手
足冷面腮赤燥咳嗽時嚏此五臟證具也呵欠煩悶肝
也時發驚悸心也乍涼乍熱手足冷脾也面目腮頰赤
嗽嚏肺也惟腎無候以在臍下不能食穢故也凡瘡疹
乃五臟毒若出歸一證則肝水疱肺膿疱心斑脾疹惟
腎不食毒穢而無諸證瘡黑者屬腎由不慎風冷而不

飽內虛也又用抱龍丸數服愈以其別無他候故未發

出則現五臟證已出則歸一臟也

海藏云本先因微寒入一句并由不慎風

冷而不飽內虛一句忽認作寒證當識用抱龍丸即知斑疹多熱也瘡疹未出五臟皆見內一臟受穢多者乃出此一句亦可以預知何臟以脈別之則知何臟或斑或疹其名可得

瘡疹有誤

陸親宅一大王病瘡疹始用一李醫又召錢氏錢畱抱龍丸三服李以藥下之其疹稠密錢見大驚曰若非轉下則為逆病王曰李已用藥下之錢曰瘡疹始出未有他證不可下也但當用平和藥頻與乳食不受風冷可也如瘡疹三日不出或出不快即微發之發之不出即

加藥加藥不出卽大發之如大發後不出及脈平無證者卽瘡本稀不可更發也有大熱則當利小便小熱當解毒若出快勿發勿下故止用抱龍丸治之瘡痂若起能食者大黃丸下之瀉一二行卽止今先下一日瘡疹未能出盡而稠密甚則難治此誤也縱得安其病有三一者疥二者癰三者目赤李不能治經三日黑陷復召錢氏錢氏曰幸不發寒而病未困也遂用百祥丸爲藥以牛李膏爲助各一大服至五日間瘡復紅活七日而愈蓋黑者歸腎也腎旺勝脾土不尅水因脾虛寒戰則難治所用百祥丸春以瀉膀胱之腑若不實臟自不勝

也何以不瀉腎曰腎主虛不受瀉故三服不效卽加寒而死

熱傳瘡疹

四大王宮五太尉因墜鞦韆發驚搐醫以發熱藥治之不愈錢曰本急驚後生大熱當先退其熱以_{大黃丸}玉露散惺惺丸加以牛黃龍麝解之不愈至三日肌膚尙熱錢曰更二日不愈必發斑瘡蓋熱不能出也他醫初用藥發散入表表熱而斑生本初驚時當用利驚藥下之今發散乃逆也後二日果斑出以必勝散治之七日

而愈

鄭端友謹案活人書用無比散治瘡疹惡候出不快及黑瘡子內使朱砂腦麝牛黃輕粉水銀等敷

之取下如爛魚腸推之藥性極難用小兒耳冷尻冷手足乍煖乍涼面赤

時嗽時嚏驚悸此瘡疹欲發也未能辨認間服升麻湯

消毒散已發未發皆宜服仍用胡荽酒黃檗膏暑月煩

躁食後與白虎湯玉露散熱盛與紫雪咽喉或生瘡與

甘桔湯甘露散餘依錢說大人同小兒法大槩與大人

同惟劑料小大不同耳海藏云消毒散太陽藥白虎湯治身熱目痛鼻乾不得臥陽

明藥也正為泄時暑之劑甘露飲子肺腎藥也甘

桔湯少陰藥也紫雪天門冬麥門冬黃芩地黃為血

劑玉露散肺腎藥石膏寒水石為氣剛劑

小兒藥證真訣卷二終

小兒藥證真訣卷三

四庫館纂修本

宋錢乙撰 三原李錫齡孟熙校刊

地黃丸

三十丸食前盛水送下

熟乾地黃

八錢 焙秤

山茱萸 大乾山藥

各四錢

澤瀉

牡丹皮 白茯苓

去皮 各二錢

右為末煉蜜和丸如桐子大三歲以下一九至三

丸溫水空心化下

當歸散 凡小兒夜啼者臟寒而腹痛也面青手冷不

吮乳是也宜此方

當歸

去蘆頭 切焙秤

白芍藥

人參

各一分

桔梗

陳橘

皮不去白
各一錢

甘草炙半分
作二分

右爲細末水煎半蓋時時少與服又有熱痛亦啼
叫不止夜發面赤唇焦小便黃赤與三黃人參湯

下

調中丸

白朮 人參 甘草炒各
半兩

乾薑四錢
炮

右爲細末蜜丸如菉豆大每服半丸至五七丸至
二三十九食前溫水送下

塌氣丸

胡椒一兩 蠍尾去毒
半兩

右爲細末麩糊丸粟米大每服五七丸至三三十
九陳米飲下無時一方有木香一錢

大青膏

天麻末

一作一錢一分

白附子末

生一錢半

蠍尾

去毒生五分

青黛

研一錢

硃砂

研

天竺黃

研

麝香

研一字七

烏梢蛇肉

酒浸焙乾取末半錢

右同再研細生蜜和成膏每服半阜子大至一阜

子大月中兒粳米大同牛黃膏温薄荷水化一處

服之五歲以上同甘露散服 閻氏集保生信效

方內小兒諸方言皆得于汝人錢乙其間大青膏

減天麻添大青生研一分其餘藥味分料和製與
此皆同載證治云治小兒傷風其候伸欠頓悶口
中氣熱惡風脈浮比此爲詳只用薄荷湯下今並
見于此

敗毒散 治傷風時氣寒壅咳嗽

人參

去蘆

茯苓

剉

甘草

炙剉

前胡

去苗洗

芎藭

剉

羌活

去苗洗

獨活

去苗洗

桔梗

剉

柴胡

去苗洗

枳殼

麩炒去瓢秤各半兩

右爲細末每服二錢水一盞入生薑薄荷少許同

煎至七分去滓放溫量大小加減與之此古方也

錢氏加甜葶藶半兩薄荷葉半兩名羌活散

玉露散

一名甘露散

寒水石

半兩軟而微青黑中有細絞者是

石膏

半兩堅白而有牆壁手不可折者是

如無以方解石代之堅白似石膏敲之段段皆方是也

甘草

生一分

右同為細末每服一字或半錢一錢食後温湯調

下海藏云非腎熱相火大盛不宜服此

異功散 温中和氣治吐瀉不思食凡治小兒虛冷病

證先與數服以正其氣

人參

切去蘆

茯苓

去皮

白朮

甘草

炒

陳橘皮

各等分

右爲細末每服二錢水一盞生薑五片棗二箇同煎七分食前溫熱服量多少與之海藏云四君子

補脾湯同

荳蔻散 治吐瀉煩渴腹脹小便澀

舶上硫黃

一分

桂府白滑石

三分

丁香

荳蔻

各半分

右爲細末每服一字至半錢米飲調下無時

木瓜丸 止吐

木瓜末

麝香

膩粉

木香末

檳榔末

各一字

右同研麪糊丸如小黃米大每服一二丸甘草水

下無時服

香銀丸 治吐

丁香

乾葛

各一兩

半夏

湯浸七次切焙

水銀

各半兩

右三味同為細末將水銀與藥研勻生薑汁九

麻子大每服一二九煎金銀湯下無時

藿香散 治脾胃虛有熱面赤嘔噦涎嗽及轉過度者

麥門冬

去心焙乾秤

半夏

炒

甘草

炙

石膏

各半兩

藿香

一分用葉

右同為末每服半錢至一錢水一中盞煎七分食

前溫服

辰砂丸 治驚風涎盛潮熱及胃熱吐逆不止

辰砂別研 水銀沙子各一分 牛黃 龍腦 麝香別研

三錢各 生犀末 天麻 白僵蠶酒炒 蟬殼去土 乾

蠍去毒炒 麻黃去節秤 天南星湯浸七次切焙

右為末再研勻熟蜜九棗豆大硃砂為衣每服一
二丸或五七丸食後服煎薄荷湯送下

麻黃湯 治傷風發熱咳嗽喘急若無汗者宜服之

麻黃去節根寸剉三錢以水煮去沫漉出控乾 桂去粗皮二錢不見火 杏仁泡

皮尖及雙仁者七箇錢炙一 甘草錢

右為粗末入杏膏拌勻每服一錢水六分煎至四分去滓溫服不計時候以汗出為度量兒大小加

減若自汗者不宜服

生黃膏 治熱及傷風温壯疳疾引飲

雄黃 研

甘草末

川甜硝

各一分

寒水石

生一分 飛研一

作一

鬱金末

一分

菘豆粉

半兩

腦子

一分

右研為末用蜜和成膏每服一錢白湯化下

木香丸

木香

青黛

別研

檳榔

荳蔻

去皮 各一分

麝香

半別

研 續隨子

一兩 去殼

蝦蟆

三箇 燒存性

右為細末蜜丸菘豆大每服三五丸至一二十九

薄荷湯下食前

胡黃連丸

胡黃連

黃連

各半兩

硃砂

一分別研

右上一二物爲細末研入硃砂末都填入豬膽內用淡漿煮以杖子于銚子上用線釣之勿著底候一炊久取出研入蘆薈麝香各一分飯和丸如麻子大每服五七丸至一二十九丸米飲下食後一作食前又一方用蝦蟆半兩不燒

蘭香散

蘭香葉

菜名二錢燒灰

銅青

半錢

輕粉

二字

右爲細末令勻看瘡大小乾貼之

白粉散

烏賊魚骨末三七 白芨末七二 輕粉七一

右為細末先用清漿水洗拭過乾貼之無時

如聖丸 治冷熱疳瀉

胡黃連 川黃連 白蕪荑去皮炒 各三 使君

子二兩去皮殼秤 麝香別研 半錢 乾蝦蟆五箇酒沃 熬成膏

右前藥為末與膏丸麻子大每服人參湯下二三

歲五七九十歲以上十九至十五九無時

膽礬丸 治疳消癖進食止瀉和胃遣蟲

綠礬須真者 二兩 膽礬真者一錢 為粗末 大棗四十箇 去核 好

醋一升 熬令棗爛和後藥 使君子二兩 去皮 枳實三兩 去瓢

炒 黃連一兩 訶黎勒去核取一兩 各為粗末 巴豆二十七箇 去皮

破之已上五味同炒 夜明沙 蝦蟆灰存性 各

一兩 苦棟根皮末半兩 已上三味再同炒

右同前膏和入臼中杵干下如末成旋入熟棗肉

亦不可多恐服之難化太稠即入溫水可丸即丸

如菘豆大每服二三十丸米飲溫水下不拘時

青金丹

青黛研 雄黃飛研 胡黃連各半 白附子炮刮 二錢

水銀一錢與膩粉同研 膩粉水銀同研 熊膽用溫水化入 蘆薈

研

蟾酥

研入各一分

麝香

半

龍腦

研

硃砂

飛研

鉛霜

研一字

右為細末令勻用熬過豬膽汁浸蒸餅和丸如黃

米大退驚治風化蟲殺疳除百病進乳食治一切

驚風天癆目睛上視手足搐搦狀候多端用藥一

丸溫水化滴鼻中令嚏噴三五次更用薄荷湯下

二丸即愈如久患五疳腹脹頭大四肢瘦小好喫

泥土不思乳食愛咬指甲時擣眉毛頭髮稀疏肚

上青筋及又患瀉痢並用米飲下二丸如鼻下赤

爛口齒疳蟲并口瘡等用乳汁研二丸塗在患處

小兒藥譜
疳眼雀目白羊肝一枚以竹刀子批開入藥二丸
在內以麻縷纏定用淘米泔煮熟空腹食之仍令
乳母常忌魚腥大蒜雞鴨豬肉等此藥若隔三二
日一服永無百疾不染橫天之疾此古方也錢氏
獨麝香比此加倍

止汗散

故蒲扇灰如無扇用
故蒲燒灰

右研細每服三錢温酒調下無時

香瓜丸

胡黃連

大黃瓜

黃色者
一箇

川大黃

黑紙裹煨
至紙焦

柴

胡去蘆

龍甲醋炙黃

黃檗削去粗皮秤

黃連 蘆薈

青橘皮各等分

右除黃瓜外同為細末將黃瓜割去頭填入諸藥至滿卻蓋口用杖子插定慢火內煨熟將黃瓜及藥同用麩糊丸如棗豆大每服二三丸食後冷漿水或新水下大者五七丸至十九

黃耆散 治虛熱盜汗

牡蠣燒 黃耆 生乾地黄焙秤各等分

右為末煎服不拘時

虎杖散 治實熱盜汗

虎杖 剉

右水煎服量多少與之無時

郁李仁丸 治襁褓小兒大小便不通并驚熱痰實欲

得澹動者

川大黃

一兩去粗皮用實者剉碎酒浸半日住乾炒為細末

郁李仁

一兩去皮

滑石

十兩細研

右先將郁李仁研成膏和大黃滑石丸如黍米大

二歲服二三丸更量大小與之以乳汁或薄荷湯

下食前

捻頭散 治小便不通

立胡索

川苦棟

各等分

右同爲細末每服半錢或一錢捻頭湯調下量多
少與之如無捻頭湯卽湯中滴油數點食前

生犀散 消毒氣解內熱

生犀

凡盛物者皆經蒸煮不堪用須生者爲佳

右一物不拘多少于澀器物中用新水磨濃汁微
温飲一茶腳許乳食後更量大小加減之

三黃丸 治諸熱

黃芩

半兩

大黃

去皮濕紙裏煨

黃連

去鬚各一分

右同爲細末麩糊丸菘豆大或麻子大每服五七

九至十五二十九食後米飲送下

大黃圓

大黃 黃芩 各一兩

右爲末煉蜜丸棗豆大每服五丸至十九溫蜜水
化下量大小以意無時服

龍腦膏 治小兒伏熱在心昏瞶不省或誤服熱藥瞶
熱昏昧不知人瘡疹倒壓黑陷

生梅花腦子 一字或半字研

右取新殺豬心一箇取心中血同研作大丸用新
汲水少許化下未省再服如瘡疹陷伏者溫酒化

下食後

梔豉飲子 治小兒蓄熱在中身熱燥狂昏迷不食

大梔子仁 七箇 劈破

豆豉 半兩

右用水三盞煎至二盞看多少服之無時或吐或

不吐立效

白虎湯 解暑毒煩躁身熱痰盛頭痛口燥大渴

知母 一兩半 焙秤

甘草 半兩 剉炒

石膏 四兩

白粳米 八錢

右同為粗末每服三錢水一盞煎至八分食後温

冷隨意服氣虛人加人參少許同煎

犀角圓 治小兒風熱痰實面赤大小便閉澀三焦邪

熱臟腑蘊毒疏導極穩

生犀角

半分一本
作一分

人參

半兩切
去鬚

黃連

一兩

檳榔

半兩

大黃

二兩酒浸切片以巴豆去皮一百箇貼在
大黃上紙裹飯上蒸三次切炒令黃焦卻

去巴豆
不用

枳實

去瓢炙剉一
兩或作半兩

右爲細末煉蜜和丸如麻子大每服一二十九臨
臥熟水下未動加數亦治大人孕婦無損

大黃丸 治風熱裏實口中氣熱大小便閉赤飲水不

止有下證者宜服之

大黃

一兩酒洗過米下
蒸熟切片曝乾

川芎

半兩
剉

甘草

一分
剉炙

黑牽牛

半兩半
生熟炒

右爲細末稀糊和丸如麻子大二歲每服十九溫
蜜水下乳後服以溘利爲度未利加丸數再服量
大小虛實用之
瀉心湯 治小兒心氣實則氣上下行澀合臥則氣不
得通故喜仰臥則氣上下通

黃連

一兩
去鬚

右爲末每服一字至半錢一錢臥溫水調下

王海藏云易老單瀉心湯加減法出于此乃實邪
也實則泄其子加黃檗爲二聖丸加橘皮爲橘連
丸加榆仁爲榆仁丸加黃芩大黃爲三黃丸加阿

膠茯苓爲阿膠丸加阿膠當歸乾薑爲駐車丸加
木香白附子爲白附子香連丸加訶子木香爲小
香連丸加荳蔻木香爲荳蔻香連丸

導赤散 治小兒心熱視其睡口中氣溫或合面睡及
上竄咬牙皆心熱也心氣熱則心胸亦熱欲言不能而
有就冷之意故合面臥

生乾地黄

焙

木通 甘草

炙

各

右同爲末每服三錢水一盞入竹葉同煎至五分

食後溫服一本不用甘草用黃芩

桃枝圓

疏取積熱及結胸

又名桃符丸

二煎每服十丸

巴豆霜 川大黃皮去 黃檗末各一分 輕粉 礪

砂各半錢

右為細末麪糊九粟米大煎桃枝湯一晬兒五七

九五七歲二三十九桃符湯亦得未晬二三九臨

臥服

白餅子又名玉餅子

滑石 輕粉 半夏湯浸七次切焙秤 天南星各二錢為末

巴豆二十四箇去皮膜水一升煮水盡為度一作水三升

右研勻巴豆後入眾藥以糯米飯為丸小菘豆大

捻作餅子三歲以上三五餅子以下一二餅子煎

葱白湯下臨臥

紫霜丸

代赭石

二錢研細水飛一本作一錢

巴豆

二十一箇去油心皮膜

杏仁

二十一箇去皮尖

右爲細末飯丸如粟米大每服三五丸至十九煎

皂角仁湯下無時兒小者減

眞珠丸 取小兒虛中一切積聚爲涎宿食乳癖治大

小便澀滯療腹脹行滯氣

木香

白丁香

眞者

丁香

末

輕粉

各半錢畱少許爲衣

白

滑石

末二分

巴豆

十四粒水浸一宿研極膩

右爲末研勻濕紙裹燒粟米飯丸麻子大一歲一
丸八九歲以上至十五歲服八丸炮阜子煎湯放
冷下挾風熱難動者先服涼藥一服乳癖者減丸
數隔日臨臥一服

消堅丸 消乳癖及下交妳又治痰熱膈實取積

硃砂末

巴豆霜

輕粉各一錢

黃明膠末五錢

細

墨

少許

水銀沙子

兩阜子大

右同研細末少入麪糊爲丸如麻子大倒流水下
一歲兒服一丸食後

鐵粉丸 治涎盛潮搐吐逆

水銀沙子分二

硃砂

鐵粉

天南星

炮去皮臍取末各

分一輕粉分二

右同研水銀星盡為度薑汁麩糊為丸粟米大煎

生薑湯下十九至十五丸二三十九丸無時

麝蟾丸 治驚風涎熱潮搐

龍腦一字

大乾蟾

灰炮二徧三錢一作燒灰秤二錢

輕粉

三錢

硃砂末二錢

雄黃末

蛇黃

澆淨取末

青礞石末

各三錢七

麝香

各研一錢七

右拌研勻水浸蒸餅為丸如桐子大硃砂為衣薄

荷水化下半丸至一九無時

安蟲散

胡粉炒黃 檳榔 川楝子去皮核秤 鶴蝨炒黃 白

礬一分鐵器勺火上熬枯秤

右為細末每服一字大者半錢溫米飲調下痛時

宜服

五色丸

硃砂半兩研 水銀一分一作二兩 雄黃一兩一作三兩 眞珠末

一兩研 鉛三兩 水銀兩 熬

右煉蜜丸麻子大每服三四丸煎金銀花薄荷湯

下

鉤藤飲子 治吐痢脾胃氣熱虛風慢驚

鉤藤三分 蟬殼 防風去蘆頭切焙 人參切去鬚焙 麻黃

去節 白僵蠶炒黃 天麻 蠍尾各半兩去毒炒 甘草炙

川芎各一分 麝香一錢別研

右同為細末每服二錢水一盞煎至六分溫服量多少與之寒多者加附子一錢無時

豆卷散 治小兒慢驚多用性太溫及熱藥治之有驚

未退而別生熱證有病愈而致熱證者有反為急驚者甚多當問病者幾日因何得之曾以何藥療之可用解毒之藥無不效宜此方

大黃豆卷

水浸黑豆生芽是也晒乾

貫衆

板藍根

甘草

兩

右四味同爲細末每服半錢水煎去滓服甚者三

錢漿水內入油數點煎又治吐蟲服無時

龍腦散

大黃

蒸

半夏

湯洗薄切用薑汁浸一日焙乾炒

甘草

炙

金星

石 寒水石

禹餘糧

不灰木

青蛤粉

各半兩

銀星石

案此味等分傳寫缺

右同爲細末研入龍腦一字再研勻新水調一字

至半錢量兒大小與之通解諸毒本舊方也仲陽

添甘松三兩枚藿香葉末一錢金芽石一分

回生散 治小兒吐瀉或誤服冷藥脾虛生風成慢驚

大天南星

重八九錢
以上者良

右用地坑子一箇深三寸許用炭火五斤燒通赤
入好酒半盞在內然後入天南星卻用炭火三兩
條蓋卻坑子候天南星微裂取出挫碎再炒用熟
不可稍生放冷爲細末每服半錢或一字量兒大
小濃煎生薑防風湯調下無時

梓朴散

梓州厚朴

一兩
細判

半夏

一錢湯洗七次薑
汁浸半日晒乾

右用米泔三升同浸一百刻水盡為度如百刻水未盡少加火熬乾去厚朴只將半夏碾為細末每服半錢或一字薄荷湯調下無時

羌活膏 治脾胃虛肝氣盛生風或取轉過或吐瀉後為慢驚者亦治寒傷無不效

羌活去蘆頭 川芎 人參切去頭尖 白附子炮 赤茯苓

苓去皮 天麻 白僵蠶酒浸炒黃 乾蠍去毒炒 白

花蛇酒浸去肉焙乾 川附子炮去皮臍 防風去蘆頭切焙

麻黃去節 肉苳蔻 雞舌香母丁香也

藿香葉 沈香 木香各二錢 輕粉一字 眞珠末

牛黃

各一錢半

龍腦

半字

麝香

一錢

七本

雄黃

一錢半

辰砂

各一分

以上七味各研別入

右爲細末煉蜜丸大豆大每服一二丸食前薄荷

湯或麥門冬湯化下實熱急驚勿服性溫故也服

無時 古今論雞舌香者同異紛紛或以爲番棗

核或以爲母丁香互相排抵竟無定說季忠以爲

最爲易辨所以久無定說者惑于其名耳古人命

藥多以其形似者名之如烏頭狗脊鶴虱之類是

也番棗核母丁香本二物以其皆似雞舌故名適

同凡藥物名同實異如金櫻地錦之類不足怪也

如雞舌二種各有主療番棗核者得于乳香中今
治傷折藥多用之母丁香卽丁香之老者極芳烈
古人含雞舌香乃此類也今治氣溫中藥多用之
所謂最易辨者如此

溫白丸 治小兒脾氣虛困洩瀉瘦弱冷疝洞痢及因
吐瀉或久病或慢驚身冷瘵

天麻

生半兩

白僵蠶

炮

白附子

生

乾蠍

去毒

天

南星

劉湯浸七次
焙各一分

右同爲末湯浸寒食麪爲丸如菘豆大丸了仍于
寒食麪養七日取出未及養七日合成便服之每

服五七丸至二三十九丸空心煎生薑米飲下漸加
丸數多與服之

菰蘆湯 治慢驚

菰蘆根末

二錢

白甘遂末

一錢

右同于慢火上炒焦黃研勻每服一字煎麝香薄

荷湯調下無時

小惺惺丸 解諸毒治急驚風癇潮熱及諸疾虛煩藥

毒上攻躁渴

臘日取東行母豬糞

燒灰存性
半兩研

辰砂

水研飛
半兩

蛇

黃

西山者燒赤醋淬半
兩五番水研飛乾用

麝香

龍腦

各二錢

牛黃

一錢各
別研

右以東流水作麩糊丸桐子大用硃砂為衣二三
歲每服二九鑰匙研破溫水化下小兒初生便宜
服一丸除胎中百疾食後

金箔丸 治急驚涎盛

牛黃 龍腦 麝香 雄黃 辰砂 生
各半 錢 各一

犀末 天南星 白附子 防
半分 以上 熟炒 炮

風 半夏 金箔
去蘆頭 湯浸七次切焙 乾秤 各半兩 二十片

右為細末薑汁麩糊丸麻子大每服三五丸至一

二十九人參湯下如治慢驚去龍腦服無時

小兒藥證真訣卷三
蟬花散 治驚風夜啼咬牙咳嗽及療咽喉壅痛

蟬花並殼

白僵蠶直者酒炒熟

甘草各一分 延胡索半

服 右為末一歲一字四五歲半錢蟬殼湯調下食後

安神丸

麥門冬去心焙 馬牙硝 白茯苓 乾山藥 寒水

石研 甘草各半兩 硃砂一兩研 龍腦一字研

時 右為末煉蜜丸雞頭大每服半丸沙糖水調下無

天南星散 治顛開不合鼻塞不通

天南星

大者微炮去皮

右爲細末淡醋調塗絳帛上貼顙上火炙手頻熨

之立效

瀉白散

又名瀉肺散

桑白皮

紙剉炒黃

地骨皮

洗去土焙各一兩

甘草

炒半兩

右件爲末每服一二錢水一中盞入粳米百粒同

煎至六分食後温服 王海藏云治肺熱傳骨蒸

自汗用此以直瀉之梔子黃芩亦能瀉肺當以氣

血分之

益黃散

又名補脾散

陳橘皮一兩

青橘皮

訶子肉

甘草

切炒各半兩

丁

香二錢

右爲細末每服二錢水一盞煎六分食前溫服又

有食後

瀉黃散又名瀉脾散

藿香葉七錢

山梔子仁一兩

石膏半兩

甘草三兩一

作三分

防風四兩切去蘆焙

右剉同蜜酒微炒香爲細末每服一錢至二錢水

一盞同煎至五分溫服清汁無時南方多以寒水

石爲石膏以石膏爲寒水石正與京師相反乃大

誤也蓋石膏潔白堅硬有牆壁而寒水石則軟爛
以手可碎外惟青黑中有細紋方書中寒水石則
火煅用之石膏則堅硬不可入火如白虎湯用石
膏則能解肌熱破痰治頭痛若用寒水石則誤矣
又有一等堅白全類石膏而方敲之亦皆成方者
名方解石也可代石膏用之南人有不信此說者
季忠嘗相與同就京師大藥肆中買石膏寒水石
方解石三種又同詣惠民和劑局及訪諸國醫詢
之皆合此說乃信服季忠頃編保生信效方已爲
辨論恐小兒尤不可誤故復見于此

白朮散

人參

切去蘆頭

白朮

木香

白茯苓

去皮

甘草

剉炒

藿香葉

各一兩

乾葛

二兩

右為粗末每服一錢至二錢水一盞煎至五分温

服如飲水者多煎服之無時 王海藏云四君子

湯加減法治濕勝氣脫泄痢太過與和散同

瀉青丸

又名瀉肝丸

當歸

去蘆頭切焙秤

龍膽

焙秤

川芎

山梔子仁

川大

黃

濕紙裏煨一本無大黃

羌活

防風

去蘆頭切焙各等分

右為末煉蜜和丸雞頭大每服半丸至一丸煎竹

葉湯同沙糖溫水化下
 王海藏癩疹改誤云東
 平黃垣先生治癩後風熱毒翳膜氣暈遮睛以此劑瀉
 之大效初覺易治補肝丸防風六合湯四物湯內
 加防風羌活等分細末煉蜜爲丸是也鎮肝丸瀉
 青丸去梔子大黃治肝虛

生犀散

生犀 剉取末
二錢

地骨皮 自採
者佳

赤芍藥 柴胡 乾

葛 剉
一兩 各

甘草 半
兩

右爲粗末每服一二錢水一盞煎至七分食後溫

服

秦艽散 治潮熱減食蒸瘦

秦艽 去蘆頭切焙

甘草 炙一兩

乾薄荷葉 半兩切焙

右為粗末每一服二錢水一盞煎八分食後温服

地骨皮散 治虛熱潮作亦治傷寒壯熱餘熱

知母 柴胡 甘草 人參 切去蘆焙

地骨皮 自採者佳

赤茯苓 半夏 湯洗七次切焙

各等分

右為細末每服二錢薑五片水一盞煎八分食後

温服量大小加減

牛黃膏 治驚熱及傷風温壯疳熱引飲

雄黃 研 甘草 末 水川甜硝 各一分 寒水石 生飛研

鬱金 末

腦子 各一錢

菘豆粉 半兩

右研勻煉蜜和成膏薄荷水化下半阜子大食後

服

牛黃丸

雄黃

研水飛

天竺黃

各二錢

牽牛末

一錢

右同再研麪糊爲丸如粟米大每服三九至五九食後薄荷水下兼治疳消積常服尤佳大者加數

丸

銀液丸 治驚熱膈實嘔吐上盛涎熱

天南星

二錢炮

白附子

一錢半炮

龍腦

半錢

輕粉

一錢

水銀

半錢一本
作半兩

蠍尾

二十一枚
炙去毒

右同研勻石腦油丸如棗豆大每服二三丸乳香

湯下大者稍加之無時

鎮心丸

涼心經治驚熱痰盛

甜硝

白者

人參

切去
蘆末

甘草

炙取
末

寒水石

燒
一兩

各

乾山藥

白者

白茯苓

各二
兩

硃砂

一
兩

龍腦

麝

香

各一錢三
味并研碎

右為末熟蜜丸鷄頭大如要紅入坏子臙脂二錢

即染臙脂是也温水化下半丸至一二丸食後

軟金丹

治驚熱痰壅嗽膈實

天竺黃 輕粉 各半兩一 青黛 一分 半夏 三分用

分半擣麩同焙 乾再為細末 黑牽牛 三分取末

右同研勻熟蜜劑為膏薄荷水化下半阜子大至一阜子大量度多少用之食後

鈎藤膏 治小兒腹中極痛乾啼後偃名盤腸內弔 鄭端

友全嬰方名木香膏

好乳香 水中坐乳鉢研細秤 沒藥 研 木香 薑黃 各四錢

木鼈子仁 二十箇去外皮一本作十二箇

右先將後三味同為細末次研入上二味煉蜜和成劑收之每一歲兒可服半阜子大餘以意加減

煎鉤藤湯化下無時次用魏香散

魏香散

蓬莪菹

兩半

真阿魏

錢一

右先用溫水化阿魏浸蓬莪菹一晝夜焙乾為細末每服一字或半錢煎紫蘇米飲空心調下

涼驚丸

礪砂

研

粉霜

研

郁李仁

去皮焙乾為末

輕粉

鐵粉

研

白牽牛末

各一錢

好臘茶

三錢

右同為細末熬梨為膏丸棗豆大龍腦水化下一

丸至三丸亦名梨汁餅子及治大人風涎竝食後

服一本無白
牽牛末

剪刀股丸 治小兒一切驚風久經宣利虛而生驚者

硃砂 天竺黃 研 白僵蠶 去頭 全蠍 去毒 乾

蟾 去四足并腸洗 炙焦黃為末 蟾殼 去頭足 作去翅 五靈脂 去黃 者為

未用 各一分 牛黃 腦子 各一 麝香 半 地黃 半兩 燒赤

醋淬三五 遍水研飛

右為末共二兩四錢東流水煮白麪和丸桐子大

每服一丸剪刀鑲頭研破食後薄荷湯下如慢驚

即去龍腦

烏藥散 治乳母冷熱不和及心腹時痛或水瀉或乳

汁不好

香附子

破用白者

高良薑

赤芍藥

天台烏藥

各等分

右爲末每服一錢水一盞同煎六分温服如心腹
痛入酒煎水瀉米飲調下無時

紫草散 發癩疹

鉤藤鉤子

紫草茸

各等分

右爲細末每服一字或半錢一錢温酒調下無時

紫草散 治發瘡辛亥樵隱孫先生出麻疹又發痘瘡

瘡黑陷亢拱辰出此方愈亢云錢氏方紫草散有枳殼

難服

紫草 甘草 糯米 九云此味極好助胃氣

黃耆 各等分

右為末水煎服

蟬蛻散 治癩瘡入眼半年以後者一月取效

豬懸蹄甲

二兩入罐子內鹽泥固濟燒存性

蟬蛻

去土用末一兩

右二味研入羚羊角細末一分拌勻每服一字百

日外兒半錢三歲以上一二錢溫水或新水調下

日三四夜一二食後服一年以外難治季忠頃守

官江南每置羚羊角取得山羊角正如石膏寒水

石之相易也羚羊角纖細而節紋極密京師儻馬

人多用以為馬銜鐵是也山羊角粗長及節紋稀

當是京師用為正

三聖丸 化痰涎寬膈消乳癖化驚風食痛諸疴小兒

一歲以內常服極妙次有三名小青丸小紅丸小黃丸

總為三聖

小青丸

青黛

一分

牽牛末

三分

膩粉

二錢

右並研勻麩糊為丸黍米大

小紅丸

天南星末

一兩三分

硃砂

半兩

巴豆

二錢取霜

右研勻薑汁麩糊丸黍米大一本天南星一兩生

小黃丸

生半夏末一分

巴豆霜一字

黃檗末半錢

水右研勻薑汁糊丸黍米大百日以上者各一九一

歲者各二九隨乳下之

福銀丸 治風涎膈實上熱及乳食不消腹脹喘粗等

巴豆半兩去皮油

古墨八錢火燒

水銀半兩

黑

鉛二錢半同水

麝香半錢

右將巴豆末并墨再研勻和入砂子麝香陳米粥

和丸如菉豆大捻福一歲一九二三歲二九五

歲以上五六丸煎薄荷湯放冷送下不得化破更

量虛實增減並食後服

百部丸 治小兒肺寒壅嗽微喘

百部 炒乾

麻黃 去節先作末

杏仁 四十箇去皮尖麩炒

右和勻熟蜜丸阜子大溫水下二三丸無時日三四服此方仲陽加松子仁五十箇糖丸之含化大

妙

銀砂丸 治涎盛膈熱實痰嗽驚風積潮熱

水銀 結砂子三阜子大

辰砂 研二錢

蠍尾 去毒為末

礪砂 研

郁李仁 去皮焙秤為末

粉霜 研

白牽牛末

輕粉 各

鐵粉

好蠟 各二錢

右同爲細末熬梨汁爲膏丸如菘豆大龍腦水化
下一丸至三丸亦名梨汁餅子及治大人風涎竝
食後

溫中丸 治小兒胃寒瀉白腹痛腸鳴吐酸水不思食

霍亂吐瀉諸疾

人參 去蘆頭 甘草 炮 白朮 各一兩

右薑汁麩糊丸如菘豆大米飲下一二十九不拘

時服

二氣散 治虛實冷熱霍亂吐逆

硫黃 不夾石者半兩研細 水銀 一分與黃再研

右同研如黑煤色不見星每服一字至半錢用生薑水調下不以時候量兒大小加減此散浮泛難沈先滴少水以指緩緩研之稍稍增湯使調之及治大人小兒一切吐逆諸藥不效者

白附子香連丸 治腸胃氣虛暴傷乳哺冷熱相雜瀉痢赤白裏急後重腹痛扭撮晝夜頻併乳食減少

黃連

木香

各一分

白附子尖

二筒

右爲末粟米飯丸菘豆大或黍米大每服十九至二三十丸食前清米飲下日夜各四五服

豈蔻香連丸 治泄瀉不拘寒熱赤白陰陽不調腹痛

腸鳴立效如神

黃連三分炒

肉荳蔻

南木香

各一分

右爲細末粟米飯丸米粒大每服米飲下十九至三二十九日夜各四五服食前

小香連丸 治冷熱腹痛水穀利滑腸

木香

訶子肉

各一錢

黃連

半兩炒

右爲細末飯和丸菘豆大米飲下十九至三十五丸頻服之食前

大胡連丸 治一切驚疳腹脹蟲動好喫泥土生米不

思飲食多睡吼嗟臍腑或祕或瀉肌膚黃瘦毛焦發黃

飲水五心煩熱能殺蟲消脹進飲食兼治瘡癬常服不
瀉痢

胡黃連

黃連

苦楝子

各一兩

白蕪荑

去扇半兩
秋初三分

乾蟾頭

燒存性別
研一分

麝香

別研
一錢

青黛

一兩半
別研

蘆薈

一分
別研

右先將前四味為細末豬膽汁和為劑每一胡桃
大入巴豆仁一枚置其中用油單一重裹之同米
一升許蒸米熟為度入後四味為丸少入麩糊丸

麝香丸

治小兒一切驚疳等病

草龍膽

胡黃連

各半兩

木香

蟬殼

去頭足洗
各一錢為末

乾秤又一本作
去劍各一分

瓜蒂 龍腦 麝香 牛黃 各一錢並

研各自

右藥為細末和豬膽汁九桐子及菘豆大驚疳臟
腑或祕或瀉清米飲或溫水下小丸五七粒至一
二十粒疳眼豬肝湯下疳渴燻豬湯下豬肉湯下
亦得驚風發搐眼上薄荷湯下一丸更水研一丸
滴鼻中牙疳瘡口瘡研貼蟲痛苦梗根或白蕪黃
湯送下百日内小兒大小便不通水研封臍中有
蟲加乾漆好麝香各少許并入生油一兩點溫水
化下一大丸病急則研碎緩則浸化小兒虛極慢

驚者勿服尤治急驚痰熱此方內一本瓜蒂用二
十一箇爲末更用蘆薈去沙秤熊膽青黛各一分
輕粉一錢

大惺惺丸 治驚疳百病及諸壞病不可具述

辰砂研 青礞石研 金牙石各一錢半 雄黃一錢 蟾灰

二錢五 牛黃 龍腦各一字 麝香半錢 蛇黃三錢
別研 別研 醋淬

右研勻細末水煮蒸餅爲丸硃砂爲衣如菉豆大
百日兒每服一九一歲兒二丸薄荷湯化下食後

獨活飲子 治腎疳臭息候良方

天麻 木香 獨活 防風 各一錢 麝香 少許研細末和入

右每服一錢七小者半錢麥門冬熟水調下

三黃散 治腎疝崩砂候良方

牛黃 大黃 生地黃 木香 青黛 各等分爲末

右每服一錢七熟水調服

人參散 治腎潰槽候良方

肉苳蔻 炮 胡黃連 人參 杏仁 炒 甘草 炙各等

末分爲

右每服一錢七小者半錢温熟水調服

檳榔散 治腎疝宣露候良方

木香 檳榔 人參 黃連 甘草 炙 各等分爲末

右每服一錢小者半錢熟水調服

黃耆散 治腎疳腐根候良方

黃耆 蜜炙 牛黃 人參 天麻 蠹 去毒 杏仁 炒

白茯苓 川當歸 生地黃 洗 熟乾地黃 洗 各等分爲末

末

右每服小者半七煎天門冬熟水調服麥門冬亦

三黃得

地骨皮散 治腎疳齲齲牙齒肉爛腐臭鮮血常出良

方

生乾地黃兩半

真地骨皮

細辛各一分

五倍子炒

焦二錢

右為末每用少許傳之頻與功效多不妨議曰

本經所載疔證有五謂五臟所受故得其名今述

腎疔一臟有五證候者最為要急不可同常此疾

具陳有五種候傳迅疾可畏乃知走馬之號不誣

初發之時兒孩口臭上干胃口氣息臭鬱漸進損

筋齦肉生瘡或腫或爛其齒焦黑又進從牙槽內

發作瘡疱破潰膿爛又進熱逼入脈常血出其熱

注入牙齦腐壞槽寬齒脫六七歲孩落盡不復更

生豈可治療今以妙方宜速與隨其傳變而理不待疾作而後藥也

龍骨散 治疔口瘡走馬疔

砒霜

一字

粉霜

半錢

龍骨

一錢

定粉

半錢

龍腦

半字

蟾酥

一字

右先研砒粉極細次入龍骨再研次入定粉等同

研每用少許傳之

蘭香散 治小兒走馬疔牙齒潰爛以至崩砂出血齒

落者

輕粉

蘭香

末

一錢

各

蜜陀僧

半兩

醋

滓為末

右研如粉傅齒及齦上立效 議曰嬰孩受病證候多疳良由氣鬱三焦疳分五臟內有腎經常虛得疳名之曰急以走馬爲喻治療頗難此等證初作口氣名曰臭息次第齒黑名曰崩砂盛則齦爛名曰潰槽又盛血出名曰宣露重則齒自脫落名曰腐根其根旣腐何由理之嗟乎豪家育子舖以甘肥腎堂受之虛熱或因母在難月恣食厚味令兒所招俱非偶然而作今將祕方述于後

傅齒立效散

鴨觜膽礬

一錢匙上
煨紅研

麝香

少許

右研勻每以少許傅牙齒齦上又一方用蟾酥一
字加麝香和勻傅之 議曰血之流行者榮也氣

之循環者衛也變蒸足後飲食之間深恐有傷于
榮衛而作衆疾其或氣傷于毒血傷于熱熱毒攻
之虛臟所受何臟爲虛蓋小兒腎之一臟常主虛
不可令受熱毒攻及腎臟傷乎筋骨惟齒受骨之
餘氣故■作疾名曰走馬非徐徐而作所宜服藥
甘露飲地黃膏化毒丹消毒飲其外證以前件立
效散及麝酥膏傅之切忌與食熱毒之物此疳不
同常證醫宜深究保全爲上若用常方難于痊愈

胡黃連麝香丸 治疴氣羸瘦白蟲作

胡黃連 白蕪荑 去扇一兩半 各 黃連 木香 各半兩

辰砂 一分 別研 麝香 一錢 別研

右為細末麪糊丸菘豆大米飲下五七丸至十九三五歲以上者可十五丸二十九無時

大蘆薈丸 治疴殺蟲和胃止瀉

胡黃連 黃連 白蕪荑 去扇 蘆薈 木香 青

橘皮 雷丸 破開白者佳赤者殺人勿用 鶴蝮 微炒 各半兩 麝香

別研 二錢

右為細末粟米飯丸菘豆大米飲下一二十九無

時候服神效忌一切甜物

榆仁丸 治疳熱瘦悴有蟲久服充肥

榆仁

去扇

黃連

去鬚 各一兩

右為細末用豬膽七箇破開取汁與二藥同和入
椀內甌上蒸九日每日一次候日數足研麝香半
錢湯浸宿蒸餅同和成劑丸如菉豆大每服五七
九至一二十九米飲下無時

橘連丸 治疳瘦久服消食和氣長肌肉

陳橘皮

一兩

黃連

一兩半去鬚 米泔浸一日

右為細末別研入麝香半錢用豬膽七箇分藥入

小兒藥譜真驗卷三

三三

膽內漿水煮候臨熟以針微刺破以熟爲度取出
以粟米粥和菘豆大每服十九至三十九米飲
下量大小與之無時

龍粉丸 治疳渴

草龍膽 定粉微炒

烏梅肉焙

黃連各二分

右爲細末煉蜜丸麻子大米飲下一二十九無時

二聖丸 治小兒疳臟腑或好或瀉久不愈羸瘦成疳

宜常服

川黃連去鬚一兩

黃檗去粗皮一兩

右爲細末將藥末入豬膽內湯煮熟丸如菘豆大

每服二三十丸飯飲下量大小加減與服無時

沒石子丸 治小兒泄瀉白濁及疳痢滑肛門痛

木香 黃連各二錢半 沒石子一箇 荳蔻仁二箇 訶子

肉三箇

右為細末飯和丸如麻子大米飲下十五丸量大

草小加減服之

金華散 治小兒一切濕瘡癬疔

黃檗量 黃連各半兩 黃丹一兩 輕粉一錢 麝香

一字別研

右同研勻先以溫水洗後貼之

蚬蚬丸 治小兒五疳八痢乳食不節寒溫調適乖違
毛髮焦黃皮膚枯悴腳細肚大顱解胸陷漸覺羸時
發寒熱盜汗咳嗽腦後核起腹內塊生小便泔濁膿痢
澱青擣眉咬指喫土甘酸吐食不化煩渴併頻心神昏
瞽鼻赤脣燥小蟲既出蚬蟲咬心疳眼雀目名曰丁奚
此藥效驗如神

蚬蚬

酒浸去骨焙

白蕪黃

去皮

黃連

去鬚

胡黃連

各一兩半

青黛

半兩為衣

右件研為細末豬膽汁麪和丸如粟米大每服三十丸用飯飲吞下食後臨臥日進三服

白玉散

白玉一分 寒水石兩半

右為末用米醋或新水調塗

小兒藥證真訣卷三終